

EQVITIS POL



7580



Prophetia S. Faldegardis Brocui J. xv.  
Fol. 465.

Saluatores nominantur. ab Equite. fol. 4.

1626  
Ioannis Broscii Curzelomensis  
Medicini Doctoris ordinarii  
Astronomi. post mortem ipsius  
Bibliotheca maioris Collegii in  
Academia Cracouicensi. rogat  
autem ut omnia quae hic inser-  
ta sunt, integre ad posteritatem  
conseruentur alioquin unitatem hanc.

Destruenti anathema  
Conseruanti benedictio.

intellectus  
iudicat  
veritatem

IX. 10. 1.

Contactus.

ad punctum

Vulgaris hic oculus caligabit diffidens plurimum.  
Procul este prophanus.



inter 9 et 10 repetitur Proca Davidowa Zahorsenii Calissi impo-  
sa isti loci non exprimitur, eipsum malitiam ab ipis legibus consensum  
sub nomine Zahorsenii 150 conferente emulgationem. omni animi quod in 150

continentur egi auduit ex ore Frederici Sebastiani  
legum. quod inveniunt et alii. Zahorsenii vero pungen-  
tiorum studuit utque Bursum consuetudinis nulli modo  
Contenta in hoc volumine fore potest alio, quam  
ex relatione lapidum

- 1 Equitibus Poloni actio in lesitas prima hanc deam  
offam ador-  
mantium.
- 2 Spongia contra Equitum Ruffi
- 3 Actio Arnaldi in Parlamento Parisiensi
- 4 Paderatui de rudibus
- 5 Actio Pauli quinti pro Republica Veneta Oratio
- 6 Gracy Deliberatio de compescendo emulato coram legum
- 7 Odiponiz na Ardyhat pperante legum
- 8 Responsio ad representationem legum
- 9 De Ignatio Corneo Zahorsenii Calissimorum  
Proca Davidowa Zahorsenii
- 10 Objectionum pperante legum
- 11 Targia obvni pperante procy
- 12 Vindicta adversus Zahorsenii
- 13 Computatio comitum Zahorsenii
- 14 Enuntiatio Borassi stylo divissimo
- 15 Gracy pperante, Consens.
- 16 Epistola eadem ad quendam
- 17 Ad senatus Regni Polonici scripta Lepian
- 18 Widoz Stahorsenii legum. Xaverius obvni  
Destinatio Annalium  
Consensum benedictio.



Iam. Manana Hispania lapsa. hinc 120  
 Antiqui temporibus qui ex Monachis Episcopis assumunt  
 Officia exhibent numerum vix hinc, restat etiam  
 vix aut alterum eorum non tam vix integrum  
 quam magis antequam antequam eorum esse perfectum  
 consideramus. Vix hinc vix caput.

pedagog.

19

vario

Cism. 5622 - 5640



Pedag. pol. 202 - 220.

XIX. d. 24.



I.C. 88.

Reday 2022

EQVITIS POLONI,  
IN IESVITAS  
ACTIO PRIMA.



ANNO M. D. XC.



# ORATIO CONTRA Iesuitas Prima.



5622  
Ideo, Senatores Amplissimi. & vos reliqui quos  
adeſtis: generis nobilitate, & virtutum orna-  
mentis clariſſimi viri: omnium veſtram ora, atq;  
oculos in me unum converſos eſſe. Et tamen ſi  
hunc locum, ad dicendum exiſtimem eſſe orna-  
tiſſimum & frequens conſpectus veſter me  
ad dicendum excitet: tamen hac tanta corona doctiſſimorum ho-  
minum, terret oculos. Exiſtimo enim multos eſſe, qui mirentur:  
quid ſit, quod aſtis diſertiſſimis, & gratioſiſſimis hominibus, hoc  
tempore ſedentibus, ego potiſſimum ſurrexerim: cuius neq; aetate  
eſt, neq; ingenium, neq; autoritas: ut poſſit cum eorum qui  
ſedent gravitate, doctrina, & rerum geſtarum gloria compara-  
ri. Sed me recreat veſtra ſapientia Senatores Ampliſſimi: quae  
efficit, ut perſpiciatis, omnibus hiis, quos adeſſe videtis, chariſſimam  
patriam eſſe: illos tamen, propter iniquitatem temporum, hanc  
cauſam multis odioſam non audere defendere. Neq; verò ego  
mihi tantum tribuo, ut alijs laudem fortitudinis atque officij pra-  
ripiere cupiam: ſed in iſta mea aetate aliquid mihi praſidij conſtitu-  
tum eſſe, contra calumniam iniquorum hominum conſido. Nam  
ſi iſti viri, autoritate & prudentia ſumma praediti ea dicerent, quae  
hoc tempore dicenda ſunt: quod certè facere debet iſ, qui ad iſtam  
cauſam accedit: fort aſſis illorum oratio multorum varijs voces,  
ad invidiam, & odium, excitaret. Cum ea ſit iſtorum ho-  
minum prudentia: tantus ſplendor generis, ut nulla vox: ab illis  
proſecta, obſcura eſſe poſſit. Ego verò, ſi quid dixerò liberius: id  
facilius inter iſtos parietes contineri fort aſſe poteſt: quia in hac Se-  
natorie dignitatis luce non ſum conſtitutus. Erunt etiam, ut opi-

nor



2  
mor nonnulli: qui veniam adolescentie meae dandam esse existima-  
bunt: si quia liberius dixerō, & facilius etiam patientur, si aliquid  
attulerō: quod nondum sit perfectum ingenio: & elaboratum in-  
dustria. Accedit illa quoque causa: quod ista dicendi neces-  
sitas, non solum a Patria nostra: quae omnibus nobis debet esse  
charissima. sed etiam ab illis viris mihi est imposita: quorum singu-  
larem in me amorem: plurima & maxima beneficia ego agnosco:  
& quorum dignitatem summam vos perspicitis, horum in me volun-  
tatem & benevolentiam plurimi semper feci: & quantum autori-  
tati illorum tribuam, nunc testari cupio hoc officij genere: ut: quae  
sentio, liberius de Republica dicam. Et sane nulla propemodum est  
natio, Senatores Amplissimi: quae non plurimum se patriae suae debere  
agnoscat. Nostra autem Respublica, à maioribus nostris ea iura in-  
venta atq; instituta habet, ea libertate, dignitate, splendore ordinem  
nobilium ornavit; ut illius commoda vita nostra nobis debeant esse  
chariora. Nunc verò eiusmodi tempus est, Senatores, ut Reipub. digni-  
tas, omnium nostrū salus, vita, libertas, dei religio, bona fortuna, do-  
milia: vestra sapientia, fidei, potestati sint tradita. Vos hodie con-  
stituere debetis: utrum homines perniciosos, quasi in visceribus Res-  
publicae ad interitum patriae vestrae conservare velitis: & an etiam  
totam Rempublicā in extremum periculum atq; discrimen adducere  
cupiatis. Magna sunt ista quae dicere aggredior, Senatores Amplissi-  
mi: in me verò non agnosco eam facultatē, ut de rebus tam atrocibus:  
satis commodè dicere, & graviter conqueri, & libere vociferari pos-  
sim. Perturbat me ingenij mei imbecillitas, gravitati, etiam: libertati,  
tempus ipsum est impedimento. Sublata .n. iam est, ut v. letis, quo-  
rundā hominum potentia & iniquitate atq; crudelitate, nō solum di-  
cendi facultas, sed etiam sentiendi libertas: quam facultatem dul-  
cissima patria nostra nobis tradiderat, ea iam erepta est ab istis ho-  
minibus: qui nunquam considerant quid facere debeant, sed quan-  
tum possint suis artibus & viribus ex naufragijs patriae comparatis.  
Hos ego cum afficio non ignoro quae pericula subeam: timore etiam  
A 2 & pude.



& pudore, quem mihi natura attribuit, non parum commoveor: vestra enim dignitas me magnopere perturbat: metuo enim ne non satis commodam orationem ad res tantas adferre possim: & ne molestiam aliquam eruditissimis vestris auribus assergam. Quamobrem vos rogo atq; obsecro, ut attentè, bonaq; cum venia me dicentem audiat. humanitate enim vestra fretus: & amore patriæ impulsus, plus oneris sustuli, quàm ferre me posse intelligo. Hoc ut vos aliqua ex parte allevetis, vos pro ea, quam vobis debeo observantia rogo.

Neminè esse vestrū existimo, Senatores Ampliſſi, qui ignoret, quibus in periculis per multos iam annos versati simus: quanta enim vis allata sit ad oppugnandam & evertendam libertatem nostrā, ab hominibus perditis. & quàm valde iam illa debilitata sit, res ipsa loquitur. Vidistis enim, ut opinor: quàm nova comitiorum forma apud Persarum fuerit: non enim veterem consuetudinem comitiorum: & pristinum electionis morem: à maioribus inventum atq; institutum cernebatis: sed exercitus numerosos, & collectos ex barbaris militibus: & omni genere armorum instructos: quorum duces minabantur nobis rapinas, cades, incendia: quantam vim, quantos armorum strepitus, quos clamores, quas contumelias, quas minas, quæ pericula optimus quisq; sustinuerit: quantum lacrimarum patriæ præstuerit: potuistis animadvertere. Quæ verò consecuta sunt postea, horret animus commemorare: ne summus dolor vester ex patriæ vulneribus conceptus recrudescat. Sunt enim depopulati agri, sunt multi nobiles crudelissimè domo sua nudi eiekti, ex adibus suis patrijs præcipites exturbati, multe virgines è complexu parentum abreptæ. Aspiciebant miseri & luctu perdit homines: sceleratissimos milites, suæ pecunie fieri dominos: multa palam auferri, multa largè & effusè alijs donari: alia incendio confumi. Quem verò ad fletum & gemitum non commoveret. CRACOVIAE urbis primariæ miserrima conditio: quæ obsidione oppressa: cade atq; incendiis vastata: horrida & squalida: tristissimum nobis omnibus exhibet spectaculum.



3  
lum. In his malorum procellis & fluctibus & tempestatibus,  
iam videor mihi portum aspicere, Senatores Amplissimi. Quod  
enim precatus sum, sepe & multum a Deo immortalis: porrectis in  
caelum manibus & facie lacrymis redundante, ut patriam nostram  
aliquando clementer in his fluctibus aspiceret: id iam aliquo modo  
feri existimo. Video enim, Senatores Amplissimi, vestrum orde-  
nem ad pristinae autoritatis spem reviviscere: adiunctam esse vo-  
bis nobilitatem: consurgere Lithuaniam: paratos esse equites, ad  
vim externorum hostium depellendam, expeditos centuriones: in-  
structas iam propemodum cohortes. Sed vos moneo Senatores  
Amplissimi: quanquam non egetis consilio, quo valetis plurimum:  
tamen quod in magnis tempestatibus fieri solet: ut summi governa-  
tores a vectoribus admoneantur, id vos quoque in bonam partem ac-  
cipietis: si meam vocem in istis vestris deliberationibus adhibeam.  
Videte etiam atque etiam, ne dum capiti mederi vultis, reduriam cu-  
retis: quae enim erit ista pax, si tantum modo externorum hostium  
impetus reprimatur: & domesticorum dissidiorum incendia inclu-  
sa lateant? quae iam non scintillas, sed tantas flammās emittant,  
ut in remotissimis regionibus conspici possint. Vestrum autem est  
Senatores quam longissime in posterum providere. Quamobrem  
enim in ista dignitate Senatoria tanquam custodia atque specula col-  
locati estis? nonne propterea ut Respublica vestra sapientia vacuam  
metu reddatis? Nolo omnia Respublicae vulnera detegere, multa ea  
nimiam multis, de patria incommodis, copiose & ornate dicta sunt:  
summam ego hoc tempore mihi partem eam: quae etiam a plerisque levi-  
ter indicata: sed non satis explicata, proposita est. Ego qui Romanam  
Ecclesiam plurimum semper feci: & spirituales ordinem in eo loco  
semper habui in quo habere debet is, cuius multi affines, omne curri-  
culum industriae suae in illo ordine posuerunt: illinc honores amplissi-  
mos: illinc magnas opes: illinc dignitatem (si quam habent) conse-  
cuti sunt. Ego, inquam, dico, pro perpetua mea observantia in Res-  
publicam, & pro mirifica cupiditate dignitatis vestrae retinenda &  
augenda. Vos autem omnes, qui hic adestis, quaeso, & oro, ut primo si



erit vel acerbum & indignum auditu: vel incredibile: à me iuvare  
accipietis sine offensione: neve id repudietis, priusquam cuiusmodi  
sit explicata vero. Ego Romane Ecclesie propemodum alumnus: dico  
hanc unam monachorum familiam: que à Iesu salvatore nomen ha-  
bet, ad perniciem multarum Rerum publicarum esse institutam. Ma-  
gna spe ingredior in reliquum orationis meae cursum: quia iam pe-  
riculissimum istum scopulum vobis tacentibus sum pratervehtus.  
Quid igitur causa est? ut ita sentiam de istis hominibus, quorum  
admirabilis pietas, singularis quaedam in omni disciplinarum genere  
scientia, à multis commendatur: & qui primo loco, ordine, & autori-  
tate digni sunt habui? quasnam rationes adferam istius tanti cri-  
minis? per arduum mihi erit demonstrare. Quis me igitur ver-  
tam? aut quos testes producam? Sunt homines Ecclesiastici ordinis  
honestissimi, atque ornatissimi, tanta amicitia & tanta necessitudine  
cum isto ordine Iesuitico coniuncti, ut etiam si viri boni non essent:  
plurimum momenti tamen habere deberet illorum oratio contra Ie-  
suitas: ita autem boni catholici sunt, ut etiam si inimicissimi essent Ie-  
suitis: tamen illis credi oporteret. Quid igitur isti dicunt? Sunt  
hac vobis nova & inopinata Senatores Amplissimi? nunc primum  
ista crimina aures vestra accipiunt? Nonne soletis interesse concto-  
ribus: in quibus affirmare solent constanter & graviter: ea voce  
& motu corporis, ea gravitate & constantia viri doctissimi nostri  
Theologi: Iesuitas eam pestem esse, que animadverti non possit an-  
tequam totum Respublica corpus inflammet: eorum mores, gestus,  
habitum, oculorum conformationem, oris & vultus moderationem,  
ad res à maioribus nostris bene inventas atque institutas, ad illas in-  
quam, res omnes, per manus nobis traditas, debilitandas, atq. ever-  
tendas hunc monachorum ordinem, comparatum esse. No-  
vum istud est Senatores? non his vocibus, non his exclamationi-  
bus resonuit primarium templum Lublinense? non summum et-  
iam templum Cracoviense plenum atque refertum: his Iesuita-  
rum ornamentis atque testimonijs: ad perpetuam & loci, &  
temporis, & hominis memoriam? Non fuit hoc inquam, in istis  
templis



4

templis decantatum? Testes sunt viri Senatorij: magna auctoritate,  
 consilio, prudentia ornati: & ceteris ornamentis honoris, ingenij, in-  
 dustria clarissimi: qui hoc affirmant. Quid dicam de illustri Epi-  
 scopo Cracoviensi? quem honoris & amplitudinis causa nomino:  
 cuius ea est aetas, prudentia, auctoritas, eruditio, humanitas, iudici-  
 um, constantia, ingenij acumen: ut ad eius orationem iuramentum  
 vestrum adhibere possitis. Quid igitur is dicit? affirmavit constan-  
 ter & graviter: voce & vultu, ad rei indignitatem composito:  
 istam novam non ante multos annos inventam monachorum famili-  
 am; quae Iesu salvatoris nomine ornata est: ad Ecclesia Romana dog-  
 mata evertenda comparatam esse: & ad excitanda seditionum in-  
 cendia: ad evertendos Reipub. nostrae bonos, & omnium comproba-  
 tione institutos mores. Iohannes verò Zomoiscius Regni Cancellar-  
 rius, & exercituum summus imperator: cuius prudentiam, rei  
 militaris scientiam, virtutem, auctoritatem, felicitatem, fortitudi-  
 nem, omnis semper mirabitur aetas: affirmavit verè & sapienter, ut  
 omnia saepe dicere solet: istis sacerdotibus in templis, & suggestu  
 locum aliquem concedendum esse: ut verò ex monasterijs &  
 templis ad Reipub. negotia gerenda accedant: hoc nullo pacto ferri  
 oportere. Quid ego nunc producam Doctorem Picum, civem Craco-  
 viensem & virum Senatorium: quem verè Philosophum subtilissi-  
 mum, & medicum exercitatisimum possumus appellare: in cuius vi-  
 ta exstat imago antiquae virtutis: cuius oratio exemplum est copiosa  
 loquentis sapientiae: is ceriè ita de Iesuis indicat: ut saepe affirmet  
 pessimè cum patria nostra actum esse: quae istos non iam dudum eie-  
 cerit. Quid ego vobis nunc adferam voces singulorum hominum?  
 quid producam in medium querimonias earum viduarum: quae non  
 prius istorum salvatorum aries deprehendere potuerunt: antequam  
 domos suas spoliatas animadvertenterent: omnib. vasis argenteis, omni-  
 bus ornamentis aureis, in quibus aliqua ars aut pretiū ita singulare  
 existeret: ut posset eorum cupiditatem incendere. O tempora, o mores,  
 haec iam agitantur in foro iactantur in Palatijs: recitantur in  
 omnibus

Salvatores  
 V. da Nyr-  
 num in  
 Regum



omnibus locis: clamantur in templis: in conspectu Trinitatis, ante  
imaginem Christi, omnium sanctarum atq. sanctorum, hac declaman-  
tur: ad commovendos sanctos atq. sanctas, ista saepe & multum, ve-  
bementer & graviter, copiose & ornate ab illis exponuntur, qui reli-  
gionibus sanctorum atq. sanctarum praesunt: & a vobis ista igno-  
rantur? Verum utilissimi sunt propter Scholas: multos iam ludos  
litterarios aperuerunt: magno motu fit concursus iuventutis: magna  
nobilitum pars eaq. fere praecipua, ab illis eruditi suos filios cupit: pro-  
pter magnam doctrinae, fidei, gravitatis, constantiae existimationem:  
& propter singularem quandam docendi rationem. Eodem accedit,  
ut nullis praemijs laborum propositis, magnos tamen labores suscipi-  
ant & sustineant. Heu me miserum: cur ego vos, quos semper lau-  
davi, cogor reprehendere? Non videtis, non intelligitis Senatores?  
haec omnia ad perturbandam quietem pertinere? non animadveritis  
plurimas Scholas, ab illis iam dissipatas esse? unam Scholam celeberrimam  
Cracoviensem: viris doctissimis in omni disciplinarum ge-  
nere ornatissimam: iam solitudine foedam atq. squalidam: nulla an-  
tiqua ornamenta retinere? Habuit Polonia ante istos Iesuiticos mo-  
nachos: habuit viros eruditissimos, oratores vehementissimos, Phi-  
losophos acutissimos, Iureconsultos prudentissimos, Theologos omni  
dicendi gravitate, copia atq. ornatu instructissimos: habuit nostra  
patria scholas, ex quibus, tanquam ex equo Troiano, prodierunt plu-  
rimi doctissimi viri: una Academia Cracoviensis quatuor millia li-  
teratorum iuvenum numerabat. Prodebant ex illa schola illi viri, quo-  
rum ingenium, prudentiam, auctoritatem ista adhuc miratur, atas.  
Iam prope vigesimus annus est, ut Iesuitas istos in regno nostro vide-  
mus: qui ita scholas suas instituunt, ut omnem industriae, diligentiae  
laudem alijs eripere cupiant: saepe admodum ludos Comediarum,  
Tragediarum, omni splendore, copia & ornatu instructos, exhibent:  
in quibus ludis, summam laudem & utilitatem positam esse existi-  
mant: & hac propemodum una arte multos discipulos ad se pertra-  
hant: tamen neq. inter istos tam praecellosos Magistros: neq. inter di-  
scipulos:



*scipulos: videmus illos qui possunt aliquo genere eruditionis cum illis antiquis nostra Schola magistris & doctoribus contendere. Habuimus illo seculo Lucam concionatorem: cuius ea dicendi vis fuit: ut quaecumque in partem voluisset, animas hominum flectere facile potuerit. Credo adhuc vos memoriam retinere illius concionatoris, quem Leopoltam nostri Poloni appellabant: erat ille homo ea morum elegantia: ea humanitate: ut semper auditorum suorum animis atque auribus novam quandam voluptatem adferret: eo ingenii acumine, ea doctrina, ut semper orationis suae subtilitate, redderet doctiores suos auditores. Quanta & quam multa laudes debentur Hosio Cardinali, Cromero Varmienti Episcopo, Orichorio, Fricio. Hic me incendit quaedam cupiditas: ut de istius viris paulo copiosius differam. Sed metuo ne ex commemoratione illarum virtutum & eruditionis: recrudescant vestra vulnera, quae patria nostra ex morte istorum hominum accepit. Erant illi viri quaedam pulcherrima & clarissima Ecclesiae Romanae lumina: habetis ut opinor in animis vestris praeclarum illud Fricii volumen de Repub: extant multi libri Hosii Cardinalis: Cromeri, Orichorii orationes adhuc in multorum manibus versantur: & nulla unquam futura est aetas, ut opinor, quae illorum memoriam obscuret: iam si Bembi, Sadoleti, Contareni, Reginaldi Poli, & reliquorum summorum hominum libros enumerare & laudare, ut aequum est, possem: quorum eruditio & eloquentia proximè accessit ad illam antiquitatis laudem: dies me potius quam oratio deficeret. Quid horum simile habent Iesuitae? Prodeunt quoque quaedam illorum lucubrationes. Vinam illum laborem quem in scribendis illis libris susceperunt: in suas tragædias, vel comædias potius contulissent: ita enim illa sunt refutata ab Haereticis, ita profigata, ut luculentam quoque plagam tota Ecclesia nostra Romana acceperit. Provo-carunt Lublini superiore anno Antitritinarios & Anabaptistas ad disputandum: cane-bant triumphum ante victoriam: in ea disputatione nihil prae-ter redundantem quandam verborum volubilitatem, & tragicos clamores: quibus in clamoribus omnes Iesuitae*



tica laudes posita sunt, praestiterunt: & tantummodo plebis, & anticularum, & collusorum atq. suorum compransorum approbationem consecuti sunt: & cum rationum vi, Antitrinitarios vincere deberint: & eam victoriam, antequam certatum esset literarum monumentis tradiderint: eum exitum ille triumphus ante victoriam, decantatus habuit: ut Ariani minis, convitiis, terroribus, clamoribus fuerint electi: & primarius quidam illorum hominum Niemoievirus etiam verbera senserit. Dolebamus Senatores Amplissimi Ecclesiae Romanae dignitatem, ab istis hominibus ita deludi: ut multi ex illo loco, Romanae Ecclesiae observantissimi, animo dubio & fluctuante discesserint. Prodiit libellus Possessini Itali: tanquam fax quaedam ad excitandum incendium: illius auctoritatem si voluissetis sequi, nonne iam domestico dissidio eversam Rempub. aspiceremus? Quae ista est ratio Senatores: virum eruditissimum non sua eruditionis arma & doctrina instrumeta ad vincendos suos adversarios conferre? sed ad barbaricam crudelitatem & feritatem decurrere. Mederi volunt patriae nostrae: honesta haec oratio est. Verum si scalpellum adhibeatur ad sanam corporis partem, si viri boni, utiles cives patriae & Republicae exterminentur: non medicina sed carnificina est. Quamobrem concilium non convocatur? Cur publica disputatio non instituitur? Quamobrem ista facula ad vim excitandam adhibentur? Non est magnum negotium homini erudito, vincere eum qui litterarum cognitione non est excultus: praesertim si eo quoque accedat bonitas causa. Qui ad gladium, ad ignem, ad aquam, ad caedes, atq. vim decurrit, fateatur se facilius hominem ingulare, quam erudire posse: animum carnificis, & barbari atq. crudelis praeconis, quam Theologi mentem eruditam habere, inventutem numerosam habent suis in scholis: quibus artibus eam colligant, & retineant: metuo ne sero admodum animadvertamus: & tum demum velimus huic malo remedium adhibere, cum iam non poterimus: si ad maturitatem pervenerit illa improbitas, cuius iam magna apparent & exstant vestigia. Putatis ne Senatores Ampliss. disciplina monacho-



rum iuventutem nobiliū rectē ad res bene gerendas erudiri posse? Utinam tandem aliquando perspicere possitis: Poloniam de statu optimo ad eas calamitates devolutam esse, moribus Gallicis, Italicis, Hispanicis in patriam nostram receptis. Si maiorum nostrorum tempora, quibus illae regiones non fuerunt cognita, cum hoc nostro seculo conferamus: quae summum dolorem atque metum nobis adferant, plurima occurrunt: quae spe aliqua meliorum animum erigant, admodum pauca et exigua, vel potius nulla solatia veniunt in mentem. Quid igitur agimus Senatores? Volumusne Scholas evertere? Ego verò hanc amentiam à vobis longissimè abesse cupio. Placet enim & utile est revocare veterem disciplinam, & patrium morem: praemia Magistris & Praceptoribus proponi: eos gratitudinis & utilitatis spe, ad scholasticum laborem suscipiendum excitari. Novam istam, nostris maioribus incognitam, nobis ac iuventuti nostrae inutilem, patriae perniciosam, docendi rationem: retineri non placet. Sed Iesuitarum opera, studio, & diligentia effectum est: ut Africa, Asia, America, Persia, Romana Ecclesia instituta & placita amplectatur. Quinam sunt illi viri? quae est ista pietas? quae prudentia? quae vitae sanctimonia? ut tantum bonum orbi Christiano importaverit. Aspicite istos patres nostros Iesuitas: ut rectè de illis apostolis fratribus eorum possitis iudicare. Non enim, Senatores Amplissimi, similia similia tam bene refert: neque ovum ovo, nec lac lacti tam simile est: quàm Monachus Iesuita, Iesuita Monacho. Quid igitur isti habent? vel in pietate, vel in moribus, vel in eruditione, quo nostris antecellant? Si enim vultum istum ad decipiendos homines accommodatum: si os in illis latebris Iesuiticis compositum: si oculos & totius corporis habitum: atque ipsam orationem ad simulandum & dissimulandum conformatam mutes atque adimas: nihil habebunt quod praeter ceteris monachis possint venditare: quibus se illi usque adeo antefecerunt, ut quilibet Iesuita cum Iesu se in caelo esse existimet: propterea quod sanctimoniam quandam possit simulare, & eam,



qua intus inclusa est impietatem bene disimulet. Tam ut totius corporis motum atq; vestitum, ad colligendam hominum gratiam: mira quadam curas, & sollicitudine moderantur: ita quoq; in templis, non veterem illam a maioribus receptam & approbatam simplicem, & non multum exquisitam in Dei cultu atq; sanctorum consuetudinem retinent: sed superbas, stultas, atq; impudicas mulieres imitantur: quæ splendidius vestiri volunt quam honesta matronæ: quod fit ut etiam oculos spectatorum in se conuertant, & eorum cupiditatem inflamment. Quis autem est ab omni ratione ita alienus: qui non persciciat illis illecebris, istis ornamentis, isto subtili sanè & suavi vocum & tibiarum concentu, barbaram gentem, incultos atq; horridos homines posse excitari? & ab illis sordibus & squalore, ad istum splendorem & cultum, omnes humanas sensus converti? Hoc cerè est homini à natura tributum: ut omnia incunda sequatur. istam legem non audivimus, legimus, didicimus: sed ex natura ipsa arripimus, hausimus, expressimus (quemadmodum inquit summus ille orator) ut rem incundam, aliquo sensu perceptam, homines eò magis amplectantur: quò magis etiam sensibus & cupiditatibus obediant. Currunt igitur muliercula & iuvenes in ades Iesuiticas, sanctæ Barbaræ: sed graves viri & prudentes retinent veterem cultum Mariæ, qui scilicet novitatis dulcedine non moventur. Gratulor ego viri amplissimi, Asia, Africa, America, Persiæ istam mentem: cum velint Catholica Ecclesiæ nomen suum dare. sed ut verum sit, quod Iesuitæ referunt: falsam enim multa ab illis iactari iam nonnulli affirmant, & res ipsa loquitur: sed quemadmodum dico, ut verum sit, ne tamen Iesuita servitutis iugum nobis imponant, magna cautio adhibenda est. Iisdem enim artibus & hoc religionis nomine, illas provincias Hispano Regi potentissimo subiecerunt, à quo illi emissæ, ut exploratores eò consilia omnia retulerunt ut primum domestica dissidia excitarent: deinde Hispanicis exercitus, in regna convulsa: & dissidiis domesticis debilitata adducerent: quod cum assecuti sunt,

omnia



6  
omnia cadibus & sanguine ita replent: ut non solum consilii capien-  
di, sed etiam ne respirandi quidem spacium relinquunt, illis, a qui-  
bus amanter & humaniter fuerant excepti. Legimus in sacris li-  
bris exitisse quosdam Gabaonitas, astutissimos exploratores: qui si-  
mulata legatione, exoletos saccos, asinis imposuerunt, utresq; vini-  
os obsoleto, laceros, & resartos: calceamenta vetera & la-  
cerata pedibus induerunt: penulis vetustis se texerunt: omniq; in  
commeatu pane mucido sumpto, ad Iosnam se in castra contulerunt:  
eiq; & Israelitis nunciaverunt, se velle cum eis fœdus percutere.  
Iesuite Gabaonita sunt a Rege Hispanie Catholicissimo legati, pallio  
modestia contecti, calcibus hypocriseos induti, simulatione paupertas-  
tis, modestia, pietatis, castitatis orhati: se à Iesu missos esse quasi ad  
novam aliquam salutem adferendam hominibus affirmant. se vi-  
gilijs, laboribus, studijs litterarum & pietatis, nocturnis atq; diur-  
nis precationibus exhaustos esse ostendunt. Metuendum autem  
nobis esse, ne quid Andria apporiet malitiam indicat miserabilis ca-  
sus eorum hominum, qui sunt in Africa, in Asia, in Persia, in Ameri-  
ca. Negillarum regionum terminis hoc malum inclusum est: lati-  
us diducitur, & in dies longius progreditur istud incendium: nam  
etiam in Germania inferiore, excitati iam sunt, ab istis Gabaonitis  
tanti motus: quibus multa iam urbes & provincie florentissima:  
quasi uno impetu posstrata iacent. Non possum sine lachrymis An-  
twerpiæ urbis potentissima, & amplissima luctuosam & funestam  
direptionem commemorare: nullumq; esse existimo hominem tam  
durum, quem non moveat tot hominum mors acerbissima & crude-  
lissima: bonorum direptio, ac venditio. Nolo autem vos ad sum-  
mi istius doloris societatem pertrahere. Eodem motu ab istis Iesu-  
iticiis Gabaonitis excitato, impulsæ sunt Anglia atq; Scotia: quæ regna  
cum antea externorum hostium impetum depulerint: nunc dome-  
sticis disidijs debilitata, & ad interitum iam inclinata sunt: id  
verò totum acceptum referendum est istis sanctissimis patribus  
Gabaonitis Iesuiticis. Hos fructus, ista commoda illi depromunt ex  
illis



illis suis saculis obsoletis. Vna Regina Anglia veneno & insidijs saepe appetita est. Scotia Regina crudelissimo & indignissimo mortis genere sublata est, nullum locum nominare possum Senatores Amplissimi, in quo isti Gabonita pedem posuerint; ut etiam non in eodem tristissima & luctuosissima exempla crudelitatis reliquerint. Et accidit iam aliquoties Deo ita permittente, ut iisdem ruinis quarum auctores extiterint ipsi fuerint oppressi. nam in Anglia, multi isti patres Gabonitici, ita ut aquum fuit, supplicio affecti sunt; quos nostri Gabonita in numerum Martyrum referunt. O praeclaros martyres, qui tantorum scelerum convicti fuerunt. Multa praterco Senatores Amplissimi, quae in Helvetia, quae in Germania superiore, ab istis patribus sunt excitata. Currit enim magnis progressibus, ista Iesuitarum pestis; & omnes urbes, omnes provincias, omnia regna obvia everit & dissipat. Ad ea mala quae iam nos tangunt, properat animus. Non ignoratis, quas turbas attulerit nobis in Livonia ista Gabonitica & Iesuitica modestia; iam potentissima urbs Riga, ad portum posita ardebat eo incendio: quod fuit excitatum ab istis Gaboniticis. Abreptus fuit iisdem procellis & fluctibus, Stephanus Rex fortissimus; qui nisi ad animi sui magnitudinem, consilium & moderationem adhibuisset; iam omnino & cum Riga & cum Rege Suecia; aut ceriè Rege Dania bellum nobis fuisset susceptum. Urbem profectò & totam provinciam multis laboribus, magnis sumptibus, magno nostrorum hominum interitu, ad Regni nostri imperium iam diu aggregatam: multo maiore cæde, aut maioribus impensis atq; sudoribus; nunc restitueremus. Tota Lithuania & Vilna urbs primaria nonne eodem spiritu Iesuitico & Gabonitico est agitata? Nonne civium atque multorum nobilium fuit concursus ad prolium committendum? unde illae procellae perturbationum profectae sunt, nisi à Iesuitis nostris istis Gabonitis? Potest sine dubitare viri amplissimi, totam Lithuaniam ad interitum ab istis Gabonitis ita impulsam fuisse; ut iam nunc tantummodo ruinas il-

lius



Hinc provincia aspicere potuissemus: nisi ad hac mala restringenda  
 Rex sapientissimus auctoritatem suam contulisset. Coactus est ille  
 fortissimus Imperator obsidionem, & expugnationem urbis Pleſco-  
 viana intermittere: ut istis tumultibus à Iesuitis excitatis occurre-  
 ret. O miseram patriam nostram, ô deplorandam conditionem:  
 qui istam pestem, & hac monstra in visceribus nostris alimus: &  
 quicquid increpuerit Iesuitas iam metuere cogimur: quos otium &  
 cibis alienus ita feroces reddit: ut etiam auctoritas & sapientissi-  
 mi Regis eos coërcere non potuerit. Vidistis Senatores ama-  
 plissimi Cracoviam urbem celeberrimam, domicilium atq; ornamen-  
 tum totius regni, sedem Maiestatis Regiæ, omnium ordinum Eccle-  
 siasticorum, & secularium, ut vocant, receptaculum: præcipuum rea-  
 gni præsidium, mercatorum & reliqua plebis emporium, matrem ar-  
 tum atq; disciplinarum, ita vexatam esse ab istis Gabaonitis: ut  
 plurimi viri boni, utiles cives patriæ nostræ, homines catholici af-  
 firment, se malle in sylvis, inter feras vitam degere, quàm in ista im-  
 manitate versari. Conspiratione enim facta: cuius Iesuita au-  
 thores atq; duces extiterunt: magna vi atq; impetu in eam domum  
 irruunt: qua una in tota urbe monumentum antiquitatis extat,  
 Lutheranis concessa: Rege atque omnibus Senatoribus approban-  
 tibus. Apparebant effusa aliquot diebus flamma, quæ per  
 multas urbis partes sparsa, toti urbi minabantur interitum. Au-  
 diebantur voces sceleratorum hominum, prædas efferentium: in-  
 ter quos, ut quidam affirmant, etiam versabantur isti patres: non  
 religioso isto habitu induti, sed attritis rusticorum vestibus  
 cooperti. commodum illis fuit & iucundum etiam, ut opi-  
 nor, istam adorandam personam Iesuiticam ad aliquod tempus  
 deponere. Tota urbs in summo periculo versabatur. Ne-  
 que ego sum adeo amens, ut negem: istam vim ad alios  
 quoque magistros, & professores, & totam Scholasticorum tur-  
 bam pertinere: qua de re iam primarij Lutherani ad Se-  
 natores retulerunt.

Verùm si rem bene consideretis: &  
 istum



istum Cabaoniticum & Iesuiticum spiritum cognoveritis: intellige-  
tis ab hoc Iesuitico numine, hæc fulmina profecta esse. quis enim est  
adeo rerum ignarus: ut nesciat talia perturbationis consilia plena  
sceleris, ab his Hispanicis Iesuitis agitari: & nulla unquam ante ad-  
ventum Iesuitarum talia pericula civibus nostris accidisse? Quid  
multis opus est? Sunt qui affirmant, totum hoc quicquid est mali, Ie-  
suitis tribuendum esse: quibus hoc propositum est, ut Evangelici cum  
Rectore atq; professoribus, & tota universitate Academica signis col-  
latis congregiantur: & Iesuita habeant suavisimum spectaculum:  
atq; in locū illius partis quæ fuerit fusa atq; deleta succedant: & am-  
plissima stolia, suorū consiliorū præmia, auferant: Hic fortassis dicat  
aliquis Iesuita, Tu Lutherana causa patrocinium suscipis. Ego verò  
patres sancti Iesuita non meam nunc de Lutherana religione senten-  
tiam explico, sed quid metuendum sit à vobis Reipub. nostra ostendo:  
& superius testatus sum me Catholicum esse. neq; verò is Romanam  
Ecclesiam oppugnat, neq; hæreticos defendit, qui liberè, ad Reipublica  
utilitates conservandas ea quæ sentit, dicit. Quamobrem iam repeto,  
id quod sæpius affirmavi: & magna voce proclamo. Tametsi Iesuita  
professione Catholici sint, pestem tamen Reipublicæ nostra ab illis  
metuendam esse. Erant quog; maiores nostri Catholici, & tamen ar-  
ma contra illos Iesuitas Cruciferos sumpserant: & eo omni ratione  
persequendos esse existimabant: summo Pontifice repugnante, & e-  
ius legatis resistentibus. Archiepiscopi nostri & Episcopi capitali  
odio ab illis dissidebant, & vi atq; armis opprimendos esse statue-  
bant. Vos ego appello Reverendissimi Domini Episcopi: non igno-  
rò qua observantia ac pietate summum Pontificem colatis: hortor  
tamen vos: ut tranquillitatem patriæ nostræ, vobis commendatam  
esse velitis. Exiguum enim admodum est discrimen inter Crucife-  
ros & Iesuitas, inter crucem & Iesum: si intra huius disputationis  
nostræ limites oratio contineatur. Crux & Iesus eandem propemo-  
dum vim habent pietatis, modestiæ, religionis: Cruciferi crucis imā-  
gine erant insigniti: Iesuita Iesu salvatoris nomine sunt ornati.

Quid



Quid modestius? quid magis pium & religiosum illa cruciferis illo seculo exitis? qui verecundi admodum, humani, humiles, abiecti, patres Cruciferi apparebant. Isti quoque, Iesuita, omni virtutum genere sunt larvatis domi enim, tanta solitudine & diligentia gestus suos conformant, ut nihil diversum in illis appareat huic persona, quam sustinent: etiam capita eleganter & moderate in unam partem inclinata habent: ut videantur Iesu similes esse qui pendeat in cruce. Cruces etiam pictas & sculptas habent; etiam in valvis suorum collegiorum cruces pingunt. In ista tam pulchra herba latet antiquus ille serpens, inimicus & accusator fratrum Diabolus; author dissidiorum, perturbatorum, bellorum intestinorum, cedis & rapinarum. Dicite mihi sancti Patres, pro vestra pietate, candore, modestia, humanitate; quamobrem vos apud istam hominum multitudinem: cuius benevolentiam ita vobis collegistis: ut etiam multe muliercule, immo verò preclare mulieres: ornamenta aurea atque argentea, quæ à maritis suis amoris causa dantur: vobis libenter, furto propemodum ablata, tradant: & libentius iam peccatorum suorum causa ad vos accedant, propter vestram istam humanitatem: dicite, quamobrem Hispanicam monarchiam in celum laudibus effertis? eam commendatis, & exemplum illius monarchiæ tanquam ad imitandum proponitis. Non ignoratis, ut opinor, in Hispania cives non malos propter levissimam religionis suspicionem iactari contumeliis, onerari calumniis, notari ignominia, exsilio puniri, morte denique acerbissima mulcari. Exstant, viri clarissimi, istorum patrum hæc preclara facinora, in tabulis depicta: fortassis propterea: ut illud exemplum Hispanicum vos imitari velitis. Sed non admodum commodè oculos nostros illa imagine erudiunt, neque satis copiose quid ipsi faciunt, ostendunt. Non enim hic est malorum exitus, quem ostendunt illæ imagines: non hæc terminis istorum sanctorum patrum religio continetur. Nam ad turbandos sepulcorum manes progreditur illorum modestia, & charitas: effodiuntur ossa, divitiuntur cineres, & quem terminum, ut vita ita miseriarum natura constituit: ultra hunc terminum grassatur ista Iesuitica mansuetudo, & charitas. O miseram atque lamentabilem illorum hominum conditionem. O regem crudelem. O regnum citò perituum. Cogitate etiam atque etiam, Senatores Amplissimi: num tanto furori locus in patria nostra concedi debeat: ut fratribus nostris, propter diversas in religione sententias: hoc modo, hac crudelitate & immanitate, lucu huius usura eripiatur: & alii quamvis sint Catholici: tamen propter opes: vel uxoris vel filiarum formam, in numerum hæreticorum referantur, quia istorum sanctorum patrum cupiditatem, maritorum vel parentum vita impedit. Dicite igitur aliquando patres sancti, si idem in Polonia facere possitis: quid sitis facturi? Etiam illud dicite, Si Hispanorum rex patronus & propemodum Deus ordinis vestri: huc



in Poloniam, vel mari, vel terra exercitus suos cupiat adducere: quid inquam, situri facturi patres sancti Iesuite? Video enim vos tantis sumptibus tam firma palatia, praesidia, & propugnacula erigere, quae vos monasteria appellatis: quae si verè, ut sunt, nominari debeant: domicilia scelerum omnium, atq; flagitiorum receptacula, appellari possunt. Video Posnania arcem munitissimam, summis praesidiis à vobis adificatam esse: & cum intra urbis moenia contineatur: aditum ad urbem patefacere posset omnibus, cum quibus commune est vobis cupiditas. Regis palatium Posnaniense, nulla parte, cum isto vestro propugnaculo est conferendum. Iesus locum in quo caput reponeret non habuit: in campis, in montibus versari potius quam in urbe maluit. Iesuita in commodissimo urbium loco: ad milites vel depellendos, vel excipiendos: si velint urbem oppugnare, castra sua adificant. Video Iaroslavia, etiam Lublini, atq; in aliis civitatibus: eiusdem munitionis, firmamenti, tantorum praesidiarum extructas arces: ut non scholasticos docere, aut muliercularum peccata cognoscere: sed bellum gerere velle videantur. Respondete igitur patres sancti atque modesti, num etiam illos Hispanicis exercitiis, in ista palatia vestra sitis admitturi? illius nimirum Hispanorum Regis, cui vos divinos cultus tribuitis: praesertim si eo accedat Papa auctoritas: si quoque eodem vires suas conferat, tota illa in flagitiis & sceleribus exercitata inventus: illi scilicet vestri greges aleatorum: in quibus etiam adulteri, impuri, atq; omnes impudici versantur. Qui cum sint absque re, absque sede, sine spe, sine fortuna: per urbes pexo capillo, nitidi, imberbes, aut etiam barbati, volitant: qui totam industriam suam in nocturnis insidiis expromunt. Expecto quid sitis responsuri. Monoo tamen vos patres sancti: ut existimetis istos homines non adeo stupidos esse: ut non intelligant, quo referantur omnia vestra consilia: quae iam ita in lucem producta sunt, ut omnibus appareant. Cogitate etiam atq; etiam Senatores amplissimi, ne cum inter abiectissimos homines, Iesuitarum fraudes sint detectae: vobis tantum consilium & prudentia defuisse videatur: ut non animadvertere possitis, quam horrendum exitium nobis immineat. Quod etiam eo turpius est, si obliviscamini quibus fluctibus iactata, & quae naufragia fecerit Respublica nostra: eo tempore, cum vi & armis Cruciferorum improbitas, multis annis non potuit reprimi: tanta contentione, tanta sanguinis profusione, multum annorum centurium bellum gerebatur: ut ad illius temporis memoriam, animus exhorrescat. fuerunt enim omnes campi, maiorum vestrorum sanguine cooperti. Quis fuit illo seculo, tanto ingenio, tanto acumen, tanta prudentia praeditus: ut perspicere potuerit: talem exitum, & tam irrisum, & luctuosum ac toti orbi Christiano periculosum: atq; multum Europa paratib.



ribus perniciosum esse expectandum; atq; metuendum ab illis Cruciferis? qui in loco sancto, in urbe Hierosolyma, apud sepulchrum Domini vivebant? scilicet studio commemorande mortis Christi, erant illi loco ita affixi: ut totum vite sue curriculum, in eo consumere statuerent: & talem ordinem omnium actionum suarum amplecterentur: ut nemo dubitaret, illis hominibus nihil propositum fuisse: præter ipsam pietatem. Habebant monasteria, certis fratrum atque sororum familiis, ut illi vocabant, distincta: eâ disciplinâ, eiusmodi moribus informata, ut nihil reperirent homines, quod in illis reprehenderent: quæ autem laudarent & quæ admiratione digna iudicaret, ea plurima vel potius omnia extabant: quod fiebat, ut Principes certatim in eos beneficia conferrent. sed quod tanta pietatis & religionis simulatio recidit, serò admodum maiores vestri intellexerunt: & magno suo malo experti sunt, quid momenti habeat, ad decipiendos homines simulata pietas. Vos autem, vos Senatores, qui in locum Principum Mazovia successistis: citò, & nimium citò memoriam illorum fluctuum deposuistis: quibus provincia hæc fuit iactata, excitata illa Cruciferorum tempestate: & bis ad eundem scopulum delati estis, quasi consultò & meditatè naufragium facere velitis. Conserte enim Senatores Amplissimi Iesuitas cum Cruciferis; Vos, inquam, qui primum in vestrum patrocinium Iesuitas recepistis. Recordamini Cruciferorum, quàm ex remotis regionibus ad vos opprimendos presidia habuerint, & simul ad istos vestros patres, istos inquam vestros Gabaonitas, oculos converterite. Cogitate etiam atq; etiam ut ab omnibus rebus inopes, & egeni fuerint: cum primum hac venissent isti nostri Gabaonitæ. Iam verò quantas opes possideant, quibus artibus collectas, videtis. Si verò rem totam bene, quemadmodum debetis, examinare vultis: cogitate etiam atq; etiam ut non admodum longo intervallo à nobis Hispanorum Rex sit remotus, à Dantisco sex dierum itinere abest Antverpia: quæ urbs domicilium, & sedes potentia Hispanicæ esse dicitur. Quid agimus? Senatores Amplissimi, quid agimus? Non nos commouent neq; commouent aliorum regnorum tristissima exempla, quod tantò est magis admirandum: quia ad vestram prudentiam & rerum usum, accessit etiam eruditio. Cur non evoluitis aliorum regnorum historias? Cato ille, cui omnium consensu locus inter sapientes primus conceditur: cum vellet Romanis ea pericula ante oculos ponere, quæ illis imminabant à Carthaginensibus: ficus recentes, quæ mari à rectoribus adferebantur: in Senatum adferebat cum hac oratione. Quàm propetiam nostri inimici, ad patriam nostram sui imperii terminos porrexerint, videtis Patres conscripti: istarum enim ficuum succus ita integer in itinere retinetur: ut nulla videatur in illis facta esse mutatio: & quemadmodum ista uva recentes sunt, dum adferuntur, ita quoque exercitus Carthaginensium, firmi,



*& robusti, parati & erecti, non itineris molestia defessi: possunt advolare. Re-*  
*citati Catonis verba: quibus animos suorum excitare voluit: valde accommoda-*  
*ta, ut opinor, nostro huic tempori. Quid enim est Senatores Amplissimi: quo-*  
*minus idem de nobis, aliquis Cato dicere possit. Adferuntur ad nos poma Hispani-*  
*ca, illa suavissima & pulcherrima: maioribus nostris incognita: in quibus colo-*  
*rem, odorem, saporem, succum si consideres: nunc primum de arboribus decerpta*  
*esse videntur. Non ignoramus quantum detrimentum morum & virtutis impor-*  
*tent in patriam nostram: ista deliciae Hispanica & Italica. Sunt multi viri pri-*  
*marii, qui intelligunt, magis ac magis hostibus nostris, in regnum nostrum aditum*  
*patefieri: & tamen non cogitamus, quibus artibus aliorum regna eversa sint: is-*  
*dem Rempub nostram iam adeo debilitatam esse, ut ruere incipiat. Et in his*  
*tantis motibus & ruinis, vos Senatores Amplissimi, quibus cura Reipub. tra-*  
*dita est: vos, inquam in utramque aurem dormitis. Aspicitis exploratores istos*  
*Gabaonitas: istos inquam Iesuitas exploratores Hispanicos, qui antea fuerant*  
*pallidi & squallidi pannis & pulvere obsiti: nunc vero sunt nitidi & splendidi, po-*  
*tentes & gratiosi. Hos non videtis in regno nostro ita versari: ut pro suo arbi-*  
*trio velint Regem eligere: & illius auctoritatem totam & maiestatem, ad libidi-*  
*nem suam convertere? Non videtis quid moliantur? Properabat alter in Sueciam*  
*plenis velis: eoque omnium opinione celerius pervenit. Alter sexaginta milliaria*  
*tribus diebus Viennam Caisis peruolavit. O celeritatem incredibilem. O nuntium*  
*volucrum. Qua causa est tanta celeritatis? Vobiscum patres sancti Regni admi-*  
*nistrandi cura ita commissa est: ut si paululum remiseritis: perituum esse existi-*  
*metis? qua spe aut re adductus & incitatus est, unus vester monachus primarius:*  
*vestrorum consiliorum moderator, & defensor: ut munus illud pacis constituenda inter*  
*Stephanum Regem & Magnum Ducem Moschouiae susciperet? Quamobrem istam*  
*pacificationem sibi non traditam sumpsit? Tantumne vobis auctoritatis patres*  
*sancti tribuitis? & tantum prudentia in vobis esse existimatis: ut creditis omnes*  
*conditiones pacis vos animadvertere & constituere posse, commodas patriae nostrae:*  
*quamvis nesciatis quibus de causis, quam magnis atque arduis tam longum, tam*  
*grave, & periculosum bellum gereretur? Multorum vocibus celebratum & diu*  
*usurpatum est proverbium: Quicquid agit mundus monachus vult esse secundum,*  
*quod tam pulchre vobis Iesuita, & vestro huic principi convenit: quam etiam*  
*vobis conveniret Bernhardinorum ille horridus habitus: a quo vos ita abhorretis, ut*  
*etiam mentio illius sit vobis valde molestia. fortassis propterea: ne eam quam ha-*  
*betis gratiam amittatis: si hunc nitorem, & hanc elegantiam: quae vobis multo-*  
*rum hominum amorem colligit, cuculo contegatis, atque ita obscuram reddatis.*  
*Sed qua est ista temeritas: inter tantos principes & Monarchas auctoritatem*  
*suam*



suam ita interponere: tanquam si antea nihil sapientia in omnibus Senatoribus  
 fuisset. Iam verò quàm fuerit studiosus patris & gentis nostrae, is vester Pater: li-  
 bellus quem postea edidit abundè indicat: plenus contumeliarum & maledi-  
 ciorum. Hunc si exterarum nationum homines legerint, quibus nondum  
 mores nostri sunt cogniti: existimabunt, in Polonia nullam esse pietatem, nul-  
 lam rationem, nullam virtutem, nullum ordinem, etiam reliqui Iesuitae  
 Monachi huius ducis exemplum sequuntur. Emittunt subinde, non solum  
 illos suos iuvenes ad omnia sua facinora exercitatos: verumetiam & libel-  
 los: quibus calamitosam famam, tanquam flammam & incendium, in nostra  
 Reipublica cives viros bonos, volunt excitare. Hæc quamvis ita sint: tamen illi  
 vivunt delicatè & suaviter, non solum nullas pœnas suorum facinorum non me-  
 tuunt: sed magnos etiam honores sibi deferri debere existimant. Magnificè appel-  
 lari cupiunt: atq; ad tanti nominis & dignitatis fidem confirmandam, omnibus  
 artibus multa prædia colligunt: vel potius ab iis hominibus, qui fallacem speciem præ-  
 cio emere non dubitant, oppida & prædia exsugunt. Atq; hoc pacto nobilitatem,  
 quæ est ornamentum in pace, præsidium & robur in bello: quæ sanguinem suum  
 pro patriæ salute effundit, in maiores angustias redigunt. Sunt multi equites viri  
 fortissimi & constantissimi, singulari animi atq; consilii magnitudine præditi:  
 quorum maiores in bello fortissimè occubuerunt: patrimonia sua pro patriæ salute  
 effuderunt: ipsi quoq; magnam vitæ suæ partem in aula Regum collocarunt: hi  
 aliquot famulos quotidiani ministerii vix alere possunt. Isti verò patres Gabaonia-  
 te, hoc asseruti sunt: pietate simulata, illo vultu & habitu ad decipiendos homi-  
 nes comparato: ut multos non tantummodo Equites, sed etiam regni Senatores  
 iam opibus superent: eosq; non tantum contemnere, verum iam ad eadem quos-  
 dam: & animo, & oculis suis, & libellis designare incipiant. O tempora, o  
 mores, o magnam iniquitatem hominum. Legibus cautum est: ne homo peregrin-  
 nus, ad aliquam dignitatem cum opibus Regni coniunctam: ne etiam homo ple-  
 beius: aspirare velit. Vt legis istius autoritas contempta iaceat, quid multis opus  
 est demonstrare? istud enim multorum vocibus, immo verò multorum gravi &  
 acerba oratione reprehensum est: istud in omnibus comitiis Regni, omnium prope  
 Senatorum clamoribus notatum est: & tamen non animadvertimus, Iesuitas ho-  
 mines obscuros, peregrinos, & plebeios, tanta bona regni invadere? immo verò  
 iam, non pauci reperiuntur nobiles regni nostri qui se cum illis coniungunt &  
 sua nomina in illum ordinem monachorum referunt. ad perpetuam familiae suæ  
 ignominiam, malunt inter monachos, quàm inter nobiles patritios vivere. O cæ-  
 cæ hominum mentes, o pectora cæca. Non videmus Senatores? Itaque atq; Hi-  
 spanos esse, quos illi iam generales patres appellant: verè autem duces seditionum,



1  
Conspirationum in patria nostra nominari possunt. Isti duces iam templa Cræ-  
coviæ occupaverunt, Sacerdotes qui in illis templis sacris præerant, nostros præcepto-  
res : homines ætate & morbo confectos : sedibus suis eiciunt atq; exturbant. A-  
pud Pelockam, villas Parochorum eripiunt : vel potius iam turis quadam simula-  
tione eripuerunt. In multis regionibus Ruteniæ omnes illas partes opimas, & fer-  
ciles : ubertate agrorum, varietate fructuum, magnitudine pastionis, & multitu-  
dine omnium rerum quæ exportantur, præstantissimas invadunt : suorum agro-  
rum terminos, in singulos menses extendunt : nobiles & reliquos homines utiles  
Reipub. exterminant : patriæ sedibus nudos prorsus eiciunt : multas viduas præ-  
claras feminas eò deducunt, ut cogantur suis filiis bona erepta, illorum finibus  
adiungere : liberos suos spem parentum, memoriam nominis, subsidium generis, ha-  
redes familia designatos Reipublica cives : patrimonio privare. O miseram illo-  
rum filiorum conditionem ! In omnibus convivis disputatur quotidie, in comitiis,  
in omni hominum nobilium concursu, vim dulcissimæ patriæ nostræ fieri. Testan-  
tur multi prudentes, & patriæ amantes viri : violari patriam, si illius bona in eos  
homines conferantur, quorum nulla in Rempublicam merita exstent : qui tempore  
pacis & belli, in Reipublica salute defendenda, & dignitate amplificanda : ope-  
ram suam non collocant : qui non vitam suam pro salute patriæ effundunt. Quid  
verò Jesuita habent, quod utile sit patriæ nostræ ? immo verò quid habent, quod  
non sit perniciosum nobis omnibus ? Quid habent præter admirabilem pecunia ma-  
gnitudinem : Hispanicis artibus, hoc est fraudibus collectam ? quam pecuniam Se-  
natores, ut videtis, ad agros amplificandos, ad palatia sua exstruenda conferunt :  
reliquam ad nos oppugnandos & iugulandos conservant. Habent ubiq; animi  
relaxandi gratia : rura amœna, & suburbana : plura etiam prædia, neq; tamen  
ullum nisi præclarum & propinquum : domos refertas vasis Turcicis & Italicis.  
Quid præterea auri, quid argenti, apud illos esse putatis ? tantum scilicet, quan-  
tum è multis familiis coacervari religionis simulatione potuit. Familiam verò  
quantam & quam variâ cum artificii habeant : quid ego dicam ? ut enim omit-  
tam coquos, pistores, & alias artes vulgares, videtis ut quotidiano cantu vocum,  
& nervorum & tibiarum : tota vicinitas personet, illius urbis quam semel occupa-  
verunt. etiam ut omnes sacerdotes despiciant : ut neminem hominem præ se esse  
putent : ut se solos sanctos, solos doctos existiment. Quid futurum esse putatis Se-  
natores : si quis apertius hæc reprehendere velit ? si quo spectent isti tanti quotidia-  
ni sumptus & effusiones, multis rationibus demonstret ? si quis etiam postulet, ut ea  
bona quæ turpiter his lenociniis suis occupaverunt honestè dimittant ? & istam  
colligendarum opum rationem, quam humana aequitate defendere non possunt, di-  
vina religione tueri desinant ? quos tumultus quas perturbationes futuras esse  
existi.



existimatis? quem putatis ab haereses crimine liberum fore? nullam certè nisi hunc qui ad illorum nutum & voluntatem sit accommodatus futurus. Stephanus Rex adiuvavit se omni ratione pacem esse conservaturum: inter eos, quorum in religione sunt discrepantes sententiae. Quamobrem igitur, homines novi, & peregrini in regnum nostrum sunt recepti? qui dum serant semina discordiarum, bellorum civilium, inter nos & contra nos: ita vivunt, ut cuticulam suam curent: pecuniam colligant: quicquid est pretiosi in alicuius Equitis domo, illud ad se pertrahant: in fraude & ex fraude vivant? Cur non retineatur auctoritas concilii illius amplissimi, & sacratissimi Lateranensis: quod vetuit, ne in posterum nova aliqua monachorum familia à quoquam institueretur? Intellexerunt homines illi sapientissimi: quod quanta fiat accessio ad monachorum familias: tantum etiam detrabatur facultatibus nobilium, mercatorum, agricolarum, viduarum, & reliquorum ordinum. Voluerunt igitur illi viri sancti, orbi Christiano consulere: ne crescente numero monachorum, tanquam fundi calan itare: opprimantur boni & prudentes cives patrie, & viduae. Metuebant ne cò res decideret: quod iam fieri videmus: ut crescente mala hac Iesuitarum tanquam viperarum progenie: augeantur etiam illa mala, quae metuenda sunt ab his hominibus: qui, in ocio & cibo alieno, non possunt nisi ad perniciem patrie vivere. Videtis enim Senatores quid effecerint Cruciferi: videtis etiam quid faciant Iesuitae. Sed quorsum haec omnis spectat oratio? Senatores amplissimi: quid enim facturus sit summus Pontifex, nondum scimus: quem etiam hoc consilium cepisse ex multis intelleximus: ut istos Iesuitas ex hoc splendore, in aridioris & horridioris vita circulum reducat: ut omnibus sit perspicuum, illos esse monachos. Hoc fortassis beatissimi patris consilium, ad Ecclesiae tranquillitatem habet aliquid momenti: sed metuo, ne parum admodum aut omnino nihil ad has perturbationes mitigandas: quae sunt à Iesuitis excitatae, conferat: & ad ista quoque incommoda atque detrimenta quae Reipublice allata sunt, compensanda. Illi enim, ut est monachorum ingenium, pilum non animum mutabunt. Quamobrem oportet nos semper esse excitatos, erectos, & propemodum animis iam armatos: ne blanda aut supplici oratione, aut etiam pietatis simulatione fallamur. Satis enim iam, satis oppressi sumus: multorum nobilium domus sunt eversa, fortune rexatae, dispersa agricolae, raptae coniuges: multi nobiles, incredibili pietate & amore in patriam, magnis in angustiis versantur, & propemodum ad pedes istorum Iesuitarum abiecti sunt: multi subditi nobilium in Lituania atque in Mazovia, pertulerunt crudelitatem istorum Iesuitarum: pulsi sunt sedibus, patriis focis, distracti à suis. Videre licet multos oculis lachrymantibus, squalidos, saepe etiam sordidatos & reos. Videtis quotidie magnam accessionem ad numerum istorum Iesuitarum fieri. Videtis multos ex Hispania atque Italia advolare.

Anima ad

Animadvertitis, ut opinor, aliis sacerdotibus iniquissimam vim fieri: viros senes sacerdotes nostros, ab istis Iesuitis misere iactatos & repudiatos, perterritos & sedibus suis exturbatos esse. Hi quem prater vos appellant, habent neminem. Vobis suas fortunas commendant. Vobis existimationem committunt ac spem vitæ reliquæ. Miserum est exturbari fortunis omnibus, miseriis cum iniuria. Constituite etiam vobis ante oculos: reliquorum hominum nobilium & agricolarum miseram senectutem, qui ita bonis suis spoliati sunt: ut cum videant Iesuitas in suis bonis paternis dominari: ipsi filios atq; filias suas iuvare non possint. Hi vos erant atq; obsecrant iudices: ut ad illorum dolorem sublevandum vel recollectione parentum vestrorum, & liberorum iucunditate commoveamini: & pietati atq; indulgentiæ vestræ serviat. Omnes Ordines Regni vos orant atq; obsecrant, Senatores Amplissimi, ut patria salutem ante oculos vestros constituatis. Libertas enim agitur nostra, quæ est commendata vobis: vita & fortuna omnium bonorum agitur: quo cupiditatem infinitam cum immani crudelitate intendunt, isti Hispani atq; Itali Iesuitæ. Quorum potentiam cum immani cupiditate coniunctam, nisi represseritis: videte Senatores Amplissimi: ne hoc tempore, quo maxime Respub. sapientiam & auctoritatem vestram requirit: patria, & vobis, atq; vestris omnibus, quibus omnia propemodum debetis, defuisse videamini.

D I X I.





Varsanum 1626. 26 Febr.

Audire dixisse R<sup>m</sup> Legatum h<sup>o</sup> verba: Habebant  
scripta pro suo favore sententiam: Si h<sup>o</sup> ita sunt  
requiro iudicium. Nam animi ducit sedem summam  
ad favores inclinari. Christus est Veritas, Via, Lux  
Vicarius igitur Christi est Vicarius Veritatis, Veri  
atq; lucis. Respectus ad personas quascunq; aut fa  
vorem habere fert displicere. Sciunt autem h<sup>o</sup> mu  
dum iudicaturum de iudicio aut Rotae aut summi  
Pontificis. Si quid diversum fiat, lapides etiam clama  
bunt. Vincere nobis ne sanctus quidem Paulus per  
suaserit, qui sumus artes omnes sapientias tam probe  
quam septuagenarius aliquis sapientia, aut et plus. Re  
velabatur aliquando tulerim nos Philosophum et  
id considerabimus: Eius, Unum, Verum, Bonum converti.  
Magno intervallo distant Unum et Vnum. Vnum est  
Unum. Vnum multa continet. Luxus d<sup>o</sup> anem  
appetit, Unionem appetit. Vult enim carnem ang  
in furem hoc est lupi carnem converti. Multa h<sup>o</sup>  
Vnū exemplar per occasionem tradit R<sup>m</sup> Legato.  
Vale. Curonus 26 Febr. 1626.








SIN e CERE monis  
Si quid habes lesu vita ne gram tibi partem  
Qui socium fingit latro raper rapit.

Gdy na Gmh  
Ja edlt Bill  
pa p...  
wzrostu...  
M... V... X...  
legi in d...  
fueram la...  
m...

Biblioteka Jagiellońska



stdr00000560



Biblioteka Jagiellońska.

